

# К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

## “Коми Республикаын йӧзлы восьса мероприятияяс нуӧдан ӧткымын юалӧм йылысь” Коми Республикаса Оланпаслӧн

### 5 статьяӧ вежсьӧм пыртӧм йылысь

Примитӧма Коми Республикаса

Каналан Сӧветӧн

2020 вося косму тӧлысь 29 лунӧ

**1 статья.** Пыртны “Коми Республикаын йӧзлы восьса мероприятияяс нуӧдан ӧткымын юалӧм йылысь” Коми Республикаса Оланпаслӧн 5 статьяӧ (Коми Республикаса канму власьт органьяслӧн индӧд-тшӧктӧмьяс, 2012, 63 №, 1545 ст.; 2014, 9 №, 112 ст.; 2016, 12 №, 157 ст.) вежсьӧм, сійӧс тадзи гижӧмӧн:

#### “5 статья

1. Сы могысь, медым видзны мортлысь да гражданинлысь инӧдьяссӧ да вӧлясӧ, могмӧдны оланпаслунсӧ, инӧда пӧрадоксӧ да йӧзкотырлысь безопасносътсӧ, сы лыдын сӧк, кор йӧзлы восьса мероприятияяс нуӧдӧмыс вермӧ торкны олӧм могмӧдан, транспорт либӧ социальной инфраструктура, связь объектъяслысь уджсӧ, падмӧдны подӧн ветлысь йӧзлысь да (либӧ) транспорт средствояслысь ветлӧмсӧ либӧ гражданылысь олан жырьясӧ либӧ транспорт либӧ социальной инфраструктура объектъясӧ пырӧмсӧ, Федеральной оланпаслӧн 8 статьяса 2 юкӧнӧн индӧм местаяс лыдӧ содтыссьӧны татшӧм местаяс, кӧнӧ Коми Республикаын оз позь нуӧдны чукӧртчылӧмьяс, митингьяс, шествияяс, демонстрацияяс:

1) зданиеяс, кӧнӧ меститчӧны медицина, велӧдан организацияяс налӧн котыртан-инӧда форма вылӧ видзӧдтӧг (вылыс тшупӧда велӧдан организацияяс кындзи), да накӧд орчча мутасьяс;

2) торйӧн вузасян рынокьяс да накӧд орчча мутасьяс;

3) челядьлы ворсан да челядьлы спорт площадкаяс;

4) туйкӧд орчча да потштӧм тротуарьяс, шествиеяс да демонстрацияс нуӧдан случайяс кындзи;

5) ӧтув вӧдитчан транспортӧн пыр новлӧдлан маршрут кузя сувтланіньяс (случайяс кындзи, кор пыр новлӧдлан маршрутсӧ недыр кад кежлӧ вежӧма да сувтланінӧн оз вӧдитчыны сылӧн веськыд могьясын), автомашина сулаланіньяс;

6) мутасьяс, кутшӧмьяс лоӧны зданиеяскӧд орччӧн, кӧні меститчӧны культура да искусство учреждениеяс, физкультурно-спортивнӧй организацияяс, сэк, кор индӧм зданиеясын нуӧдӧны культурнӧй, гажӧдчан, спортивнӧй, физкультурнӧй мероприятияяс, а сідзжӧ тайӧ мероприятияяс нуӧдны заводиттӧдз 1 час водзджык да найӧс нуӧдны помалӧм бӧрын 1 час чӧж.

2. Тайӧ статьялӧн 1 юкӧнса положениеяс оз паськавны торйӧн индӧм местаяс вылӧ.”.

**2 статья.** Тайӧ Оланпасыс вынсялӧ сійӧс официальнойӧ йӧзӧдӧмсянь дас лун кольӧм мысти.

Коми Республикаса Юралысьлысь могьяс  
недыр кадколастӧ збыльмӧдысь

В.В. Уйба

Сыктывкар

2020 вося ода-кора тӧлысь 8 лун

19-РЗ №

Пас лыд – 2250

Королева